

Edicion special

Luna Cultural



Himno y Bandera

Aruba, Orguyo di nos tur.



Minister di Finansa y Cultura



Comision Celebracion Dianan Nacional



J I N G L E

48 aña Himno y Bandera Aruba, Orguyo di nos tur



Composicion y Areglo:
Rygel Isabella



Cantante:
Jetzenia Martines

Un Produccion di:
**Ministerio di Cultura y Comision
Celebracion Dianan Nacional**

Jingle: 48 aña Himno y Bandera



Minister di Cultura y Comision Celebracion Dianan Nacional ta invita



Aruba, Orguyo di Nos Tur

Dia 18 di maart, Aruba ta celebra nos dia nacional, Dia di Himno y Bandera. Ministerio di Cultura y Comision Celebracion Dianan Nacional CCDN un biaha mas a prepara un bunita programa pa celebra e 48 aniversario di nos Himno y Bandera. E lema di e aña aki 'Aruba, Orguyo di nos tur'.

Manifestacion Cultural

Diadomingo, 17 di maart lo tuma luga e Manifestacion Cultural enconexion cu nos celebracion di Dia di Himno y Bandera, Minister di Cultura ta invita henter comunidad pa ban topa un biaha mas riba Plaza Libertador G.F. Betico Croes. E evento lo inicia pa 6 or di atardi cu Feria di benta di cuminda, cos dushi y artesano. Pa 7 or di anochi lo inicia cu presentacion di nos artistanan cu canto y baile. Pa 8 or e programa oficial ta cuminsa cu Himno di Aruba, sigui pa discurso di Minister di Cultura. Despues lo continua cu presentacion di ganadonan di Festival Un Canto pa Aruba su Himno y Bandera. Tur esakinan pa prepara y hinca a publica den ambiente pa e mahestuoso show cultural dedica na nos Dia di Himno y Bandera. E publico lo por mira riba escenario un espectulo yena di creacion caminda nos talentonan local di canto y teatro, gruponan di baile y cu musica di un orkestra bou encargo di e maestro Danny Koolman.

Acto Protocolar

Dialuna, 18 di maart riba Nos Dia Nacional, Dia di Himno y Bandera, comunidad ta keda invita pa e Acto Protocolar riba Plaza Libertador G.F. Betico Croes. E mainta aki ta inicia cu yegada di mandatario- y invitadonan, mientras cu lo tin presentacion musical.

Na momento cu Gobernador di Aruba yega, lo inicia cu e ceremonia protocolar, cu Himno di Aruba, un momento di reflexion, discurso di Prome Minister di Aruba Sra. Evelyn Wever-Croes, ganado Poeta di Patria y despues lo continua cu aubade presenta pa un coro forma pa muchanan di scol basico di pariba di brug, kende lo wordo acompaña pa un grupo musical United Melodies dirigi pa Eltienne Yarzagaray.



Desfile Gruponan Uniforma

Despues di e parti protocolar di dia 18 di maart, lo ta sigui e desfile di nos gruponan uniforma di scout, gubernamental, deportivo y cultural pa asina clausura e programa di mainta di celebracion di Dia di Himno y Bandera na Plaza Libertador G.F. Betico Croes.

Celebracion den e barionan

Pa locual ta celebracion den Barionan, e aña aki tin mas di 35 evento na diferente parti di nos

isla, pa cual tambe ta invita comunidad pa asisti. E calendario di lista di eventonan enconexion cu Dia di Himno y Bandera lo wordo publica den medionan di prensa y social. Por ultimo Minister di Cultura Xiomara Maduro hunto cu Comision Celebracion Dianan Nacional ta invita henter comunidad pa celebra nos Dia di Himno y Bandera, den un forma grandioso y asina nos honra nos simbolonan di identidad cual ta nos himno y bandera., pasobra Aruba ta orguyo di nos tur.

Minister Xiomara Maduro ta felicita ganadonan di Festival “Un canto pa Aruba su Himno y Bandera” Categoria Infantil-Hubenil

Hopi danki na tur cantante, compositor y agrupacion musical

Diasabra a toca turno na e Festival Un Canto pa Aruba su Himno y Bandera categoria Infantil y Hubenil. Cu un Plaza Libertador Betico Croes yen di publico a tuma luga e festival di nos mucha- y hobennan. Un exitoso y grandioso festival cu a conta cu un participacion di 28 participante y 10 agrupacion musical.

Un biaha mas Minister Xiomara Maduro tabata presente pa brinda sosten y apoyo na tur cantante. Despues cu e resultado tabata conoci, Minister Maduro tabata tin e honor pa por a entrega premio na e ganadonan di e festival. E resultado di e festival Un Canto pa Aruba su Himno y su Bandera Infantil y Hubenil 2024 tabata lo siguiente:

Categoria 4-6 aña:

Ganado absoluto: Mirlaine Vis

Titulo: Den mi truck

Compositor: Veloushka Krozendijk

Areglista: Elton Trimon

Di dos luga: Zilah Geerman

Titulo: Canta cu alegria

Compositor: Jhon Freddy Tobon Montoya

Areglista: Dimitri Frans - Johnny Scharbaay

Di tres luga: Livaya Escalona

Titulo: Ay ban zwaai

Compositor: Erick Escalona

Areglista: Amado Rosina

Categoria 7-9 aña:

Ganado Absoluto: Hailey Koolman

Titulo: Arikok

Compositor: Gino Panneflek

Areglista: Gino Panneflek

Di dos luga: J-Vyôn Besselink

Titulo: Aruba ban planta

Compositor: Lurena Schwengle

Areglista: Rygel Isabella

Di tres luga: Jaymerson Kelly

Titulo: Muchanan ban goza

Compositor: Jason Kelly

Areglista: Tico Kelly

Categoria 10-12 aña:

Ganado Absoluto: Kitai de Jongh

Titulo: Sabi mane' don shoco

Compositor: Zulaika Geerman

Areglista: Zulaika Geerman

Di dos luga: Ishem Howell

Titulo: Cadushi, siña mi

Compositor: Sidney Simoons

Areglista: Elton Trimon

Categoria 13-17 aña:

Ganado Absoluto: Gismery Linarez

Titulo: Si mi bos ta di Dios

Compositor: Lurena Schwengle

Areglista: Raul Piar

Di dos luga: Reanne Ras

Titulo: Sigui e pasonan

Compositor: Jhon Freddy Tobon Montoya


Areglista: Raul Piar



Di tres luga: Lizienne Webb
Titulo: Pa bo
Compositor: Lurena Schwengle
Areglista: Johnny Scharbaay

Masha pabien na tur e ganado, finalista, participante, compositor, areglista y mayor pa un grandioso y exitoso festival. Tambe un pabien y danki na pa organisa e festival infantil y hubenil Minister di Cultura Xiomara Maduro ta gradici y

felicita Comision Promove Cultura pa organisa un bunita festival Infantil y Hubenil. Un bes mas masha danki na tur esnan cu tabata tin tent pa ofrece nos cuminda crioyo, cos dushi y artesanía. Danki tambe na tur cu a coopera pa haci e festival uno exitoso y sin lubida e publico grandi cu a bin pa apoya, sostiene, biba y engrandece nos cultura di Aruba.



Minister Xiomara Maduro ta felicita ganadonan di Festival “Un canto pa Aruba su Himno y Bandera” Categoría Adulto

Masha danki na tur cantante, compositor y agrupacion musical



MASTER FILE

15

MASTER FILE

Aruba a conoce composicionnan nobo dedica na nos Pais Aruba. Riba Plaza Libertador Betico Croes a tuma luga e festival Un Canto pa Aruba su Himno y Bandera. E aña aki a participa un total 11 cantante y un total di 9 agrupacion musical cu a haci e festival uno grandioso y exitoso.

Minister di Cultura tabata presente pa duna sosten y apoyo na tur participante. Na final di e anochi e mandatario tabata tin e honor pa por a entrega premio na e ganador maximo di e festival categoria adulto. E resultado di e festival Un Canto pa Aruba su Himno y su Bandera Adulto 2024 tabata lo siguiente:

Ganado Absoluto:

Edward van der Biezen

Cancion: Con mi por lubida

Compositor: Danilo Vrolijk

Areglista: Jaderick Croes

Segundo Luga:

Karena Maduro

Cancion: Un bon Arubiano

Compositor: Jhon Freddy Tobon Montoya

Areglista: Migi Boss y Igmar Maduro

Tercer Luga:

Shermin y Sherdel Maduro.

Cancion: Aruba, mi isla, mi cas

Compositor: Zulaika Geerman

Areglista: Zulaika Geerman

Minister di Cultura Xiomara Maduro ta gradici y felicita Fundacion Cultural di Festivalnan Folklorico pa organisa un bunita festival di adulto. Danki na tur esnan cu tabata tin tent pa ofrece nos cuminda crioyo, cos dushi y artesanía. Un danki tambe na un y tur cu a coopera pa haci e festival uno exitoso, muy en particular tur participante, musico, compositor, areglista y e publico grandi, danki pa apoya, sostene, biba y engrandece nos cultura.





► MASTER FILE

15

► MASTER FILE



MEMORIES 007-412

/// 00000012045 ///

10. ► FILM400K

CAN100K ► 144



Minister Sithree van Heydoorn - Corsou
Minister Xiomara Maduro - Aruba



MEMORIES 007-412

MEMORIES 007-412

/// 00000012045 ///

10. ► FILM400K

CAN100K ► 144



CAN100K ► 144

10. ► FILM400K

/// 00000012045 ///



MEMORIES 007-412

MEMORIES 007-412

/// 00000012045 ///

10. ► FILM400K

CAN100K ► 144



MEMORIES 007-412

CAN100K ► 144

10. ► FILM400K

/// 00000012045 ///



POETA DI PATRIA

*Himno y
Bandera*



► MASTER FILE

15

► MASTER FILE

Minister di Cultura ta felicita tur Poeta pa nan participacion na e evento 'Poeta di Patria' dedica na nos Patria stima Aruba

Recientemente, Minister Maduro di Cultura a presencia e evento 'Poeta di Patria,' na unda nos poetanan a deleita e publico presente na Fort Zoutman cu nan poema dedica na honor di nos Patria Aruba na ocasion di e celebracion di nos Dia di Himno y Bandera.

Tabata un anochi bunita, yena cu talento y creatividad di nos poetanan local, na unda Minister Maduro a tuma un rato pa recorda e poeta sra. Nena Ponson cu algun dia pasa a bay descansa den brasa di Señor. Sra. Nena semper a deleita publico cu su poemanan y su manera unico di declama esakinan na honor di Aruba. E mandatario a recorda tambe e aporte sin igual di sr. Atan Lee kende a cuminsa cu e evento bunita y importante aki na aña 2014.

Ganador absoluto di 'Poeta di Patria' a keda den persona di sr. John Freddy Montoya cu su poema 'Ki Bal'. Finalistanan a keda den persona di sra. Gilia Croes, sr. Luis Rodulfo, sra. Aurelia Croes y sra. Estefana 'Titi' Tromp-Gil. Minister Maduro ta gradici Comision Celebracion Dianan Nacional, Departamento di Cultura y Fundacion Corector di Papiamento pa un otro evento 'Poeta di Patria' exitoso, y ta gradici tur participante pa nan aporte pa haci e evento aki uno grandi un biaha mas.



MANIFESTACION CULTURAL

SHOW "ARUBA ORGUYO DI NOS TUR"
TABATA E TARIMA PA NOS
TALENTONAN LOCAL UNI Y BRIYA



Video: Manifestacion Cultural

*Himno y
Bandera*


Enochi culminante durante di e Manifestacion Cultural, Dia di Himno y Bandera tabata e presentacion di e show musical cu a hiba e nomber "Aruba Orguyo di Nos Tur". Un espectáculo continiendo talento y creatividad di baile, musica, canto y poema cu a wordo scirbi pa e talentoso Edselyn Figaroa y produccion di studio di Rygel Isabella. E show musical aki a wordo acompaña en bibe pa e orkestra cultural bao direccion di e maestro Sr. Danny Koolman. Cada cantante tabata wordo presenta riba pantaya pa yunan di tera cu a sobresali den un of otro ramo y cu ta haci nos orguyoso di ta biba riba Aruba. Ademas un escenario yena cu audio, visuals y efectonan di luz cu a pone nos artistanan local riba escenario luci y briya henter anochi.

Show

E anochi aki nos a uni pa celebra Aruba y a refleha nos cultura Arubano, recordando nos historia, nos tradicion y nos hendenan pasobra Aruba ta orguyo di nos tur. Algo diferente e aña aki tabata cu prome cu cada artista presenta un personahe di Aruba tabata trece un mensahe riba e pantaya riba escenario manera e prome a trece un grabacion di Harry Croes den feliz memoria, cual sigur tabata un momento emocional. A sigui cu pa cada presentacion tabata tin diferente personahenan reconoci local manera Nen Flores, Karol Croes, Gilberto F. Croes, Tica Basha Abou, Clyde Harms, Derrel Lampe, Jhon Freddy Montoya, Karixon, Antonieta Booi, Vivian Wever, Vivian Lampe, Ronella Croes, Maybeline Arends Croes y Janine Rodriguez, Kamilah Dammers, Brainer y Djondrick y Pastor Andry.

E show e inicia cu "Fiesta den cunucu" baila pa Popcorn Dancers. A sigui e cancion "Mami contami e storia" den background cual a wordo acompaña pa Grupo di Baile Popcorn Dancers. A sigui cu e clasico "Cunucu di Seit" acompaña pa grupo di baile Popcorn, e hoben Giorvin Angela y Guizza Steenvoorde.

E obra musical aki a conta cu presentacion di e gran cantante Rolindo Dortalina, cu a pone e popular cancion 'Aruba awe ta conoci!' trece un ambiente total riba Plaza Libertador G.F. Betico Croes. A sigui un baile di Youth in Action riba e ritmo di "Un Bandera tan special". Chazz Dancers



15

► MASTER FILE

► MASTER FILE



15

► MASTER FILE

► MASTER FILE

a baile e cancion "Muchanan Sabi". Otro cancion cu a resona e anochi aki tabata "Aki ta mi cas" cu a wordo canta pa Lily Rodgers. HTH a baila e cancion di Datapanik "Hende di tur hende".

Jerrino Ridderstap a presenta "Danki Papa Dios" un bunita interpretacion di gratitud cu a wordo acompaña cu baile di e Grupo Dazzlings Dancers. E grupo di baile Chazz Dancers a presenta un baile riba e cancion "Mi Aruba". Otro talento local cu a luci riba tarima tabata Ginno Panneflekk presentando un baile riba e cancion "Esun di mas Bunita" cu a wordo acompaña pa un show di "Youth in Action", a sigui presentacion di Club di Movimiento, poesia "Dushi Hende" declama pa Joan Danies - Poesia "Dushi hende" riba cancion wals "Preciosa". E bunita voz di Raquel Lampe interpretando e cancion "Nos ta dushi hende" a lanta e sentimiento y orguyo di ta arubiano. The Popcorn Dancers a presenta un Potpourri, Aruba Mix.

E dou Jerwin Hernandez y Zaina Falconi a briya riba escenario di e cancion "Aruba ta bida". E cancion 'Loke ta di nos' a wordo baila pa

Popcorn Dancers. Un biha mas nos artista Mitch Almary a capta e atencion di e publico cu e cancion "Agente di Paz, cu a wordo acompaña pa e bailarina di Club di Movimiento y studiantenan di Scol pa Polis. E diferente cantante, poeta y gruponan di baile a recorda nos ken nos t, di unda nos ta bin y na unda nos ta bay.

E show a culmina cu e presentacion di un potpourri di Carnaval presenta

pa Rodrick "Rocco" Franken, Ganado di Groovy Soca 2024, sigui pa Carl "Galloway Jr." Roosberg, Ganado di Power Soca 2024 y e legendario Claudius "Mighty Talent" Philips, kendenan hunto a presenta un show fantastico y espectacular cu a pone plaza Betico Croes den un ambiente di fiesta celebrando nos Dia Nacional. Dia di Himno y Bandera. Nos por ta orguyoso di nos hendenan, e anochi di Manifestacion Cultural a uni artistanan di nos Pais cu comparti nan creatividad y talento pa nos pueblo por a disfruta di esaki, e ta orguyo di nos tur, pasobra nos tur den union ta forma e patria cu Aruba dushi tera.

Agradecimento

Danki na tur artista, cantante, poeta, musico, personahe local, coreografo, bailado, hoben, compositor, arreglista, diseñador, videografo, tecnico di sonido y luz, pa nan dedicacion y esfuerso pa brinda Aruba un Manifestacion Cultural digno, grandioso y espectacular. Nos por mira con orguyoso Aruba ta biba su Cultura, nos ta orguyoso di nos hendenan.

MASTER FILE



MASTER FILE

15

MASTER FILE

MASTER FILE



MASTER FILE

15

MASTER FILE



MASTER FILE

15

MASTER FILE

MASTER FILE

15

MASTER FILE



MASTER FILE

15

FILE

MASTER




MASTER FILE

MASTER FILE

MASTER FILE

15

MASTER FILE



MASTER FILE

15

MASTER FILE



15

MASTER FILE



MASTER FILE

15

MASTER FILE

15


MASTER FILE



MASTER FILE

15

MASTER FILE



15

MASTER FILE



MASTER FILE

MASTER FILE

15

15

MASTER FILE



15

15

MASTER FILE



15



MASTER FILE

15

SHOW MUSICAL ARUBA, ORUGUYO DI NOS

Maestro di Ceremonia:

Nen Flores

Himno di Aruba interpreta pa:

Robert JeanD'or

Bandera di Aruba:

Brainer Lampe, Disjonrick Jacobs, Gerald Moreta

Entrada di Bandera:

Seleccion U14 Damas

Nos Orguyonan:

Harry Croes, Karol Croes, Gilberto F. Croes III, Faritah "Tica" Luidens, Clyde Harms, Kamilah Dammers, Brainer Lampe, Disjonrick Jacobs, Derrel Lampe, Jhon Freddy Montoya, Genard Karixon Mohamed, Pastor Andry, Antonieta Booï, Vivian Wever, Vivian Lampe, Ronella Croes, Maybeline Arends-Croes, Janine Rodriguez

Gruponan di Baile:

Popcorn Dancers, Youth in Action The Chazz Dancers, Haus of The Heartbeats Dance Group, Club di Movimiento, Dazzling Dancers

Grupo Uniforma:

Cuerpo Policial Aruba

Poeta:

Joan Danies
Poema Titula: Nos ta dushi hende Luis Rodulfo
Poema Titula: Aruba, Nos Orguyo Di 3 lugha Poeta di Patria 2024

Produccion di Studio:

Titulo: Danki Harry Croes
Compositor: Edselyn Figaroa
Areglista: Rygel Isabella
Cantante: Jetzenia Martines

Banda Musical:

Director Musical/Piano: Danny Koolman
Bass Guitar: Diego Henriquez
Cuarta: Joselito Croes
Guitara: Heidy Middendorp
Viool: Omar Kock
Synthesizer: Otmar Manuela
Trompet: Roderick Albus, Faroud Henriquez
Trombon: Franklin Giel
Conga: Neohmar Maduro
Drums: Julius Martines
Timbal/Percussion: Ritchel Giel
Percussion: Jerryk Agunbero
Coro: Rodney Besselink, Arianne Westerburger, Jerusha Arends

Cantantenan:**Rolindo Dortalina**

Titulo: Aruba awe ta conoci
Compositor: Rolindo Dortalina
Areglista: Franklin Granadillo

Lily Rodgers

Titulo: Aki ta mi cas
Compositor: Lurena Schwengle
Areglista: Raul Piar

Jerrino Ridderstap

Titulo: Danki Papa Dios
Compositor: MichelAngelo Koolman
Areglista: Claudius Philips, Elton Trimon

Gino Panneflek

Titulo: Esun di mas bunita
Compositor: Kailo Vrolijk y Gino Panneflek
Areglista: Danny Koolman y Gino Panneflek

Raquel Lampe

Titulo: Nos ta dushi hende
Compositor: Danilo Vrolijk
Areglista: Hubert Thiel

Jerwin Hernandez & Zaina Falconi

Titulo: Aruba Ta Bida
Compositor: Ronwayne Kock
Areglista: Denny Loefstop

Mitch Almary

Titulo: Agente di Paz
Compositor: Edselyn Figaroa y John Freddy Montoya
Areglista: Michael Odor

Claudius Philips

Titulo: Wave IT
Compositor: Claudius Philips
Areglista: Claudius Philips

Ganado Groovy Soca 2024**Rodrick Franken**

Titulo: Come Together
Compositor: Claudius Philips
Areglista: Claudius Philips

Ganado Power Soca 2024**Carl "Galloway Jr." Roosberg**

Titulo: Mash Up
Compositor: Carl Roosberg Jr.
Areglista: Rod Benjamin

Ganado Absoluto Categoria 13-17**Gismary Linarez**

Titulo: Si mi bos ta di Dios
Compositor: Lurena Schwengle
Areglista: Raul Piar

Ganado Absoluto Categoria Adulto**Edward van der Biezen**

Titulo: Con mi por lubida
Compositor: Danilo Vrolijk
Areglista: Jaderick Croes

Coordinado General:

Xavier Maduro

Produccion Visual:

Povi-Tree / Levy Geerman

Coordinado di Baile y Presentacion:

Jeanissa Maduro

Coordinacion di Escenario:

Jeanissa Maduro, Marylou Hermans y Mieckey Gravenhorst

Storia musical skirbi pa:

Edselyn Figaroa

Danki na:

DEPARTAMENTO DI CULTURA
UNOCA

ATA

SETAR

ARUBA AIRPORT

ELMAR

UTILITIES ARUBA

WEB

HIGH PERFORMANCE

Un Produccion di:

Ministerio di Cultura y Comision
Celebracion Dianan Nacional



Durante Manifestacion Cultural

MINISTER-PRESIDENT EVELYN WEVER-CROES Y MINISTER XIOMARA MADURO A HACI ENTREGA DI E BANDERA OFICIAL DI ARUBA NA SCOUT ARUBA PA HISA DURANTE E ACTO PROTOCOLAR

Durante e Manifestacion Cultural cu a tuma luga dia 17 di maart, en conexion cu Celebracion di Dia di Nos Himno y Bandera, Minister-President Evelyn Wever-Croes y Minister Xiomara Maduro di Cultura a haci entrega di e bandera oficial cu a wordo hisa durante e Acto Protocolar riba Plaza Libertador Betico Croes.

E bandera, cu ta simbolo di unidad, cultura y herencia di nos Pais, a ser entrega na lider di Scout Aruba, Sr. Mariano Thiel. Cu e gesto aki, Sr. Thiel a ser honra cu e responsabilidad di ricibi e bandera for di man di ambos mandatario. Esaki a pone enfasis riba e respet y confiansa deposita den su persona y Scout Aruba, reconociendo nan dedicacion pa fomenta entre nos hobennan e sentido di patriotismo y di duna bek na comunidad. E momento unico aki a marca inicio di e celebracionnan di Dia di Himno y Bandera, un dia cu tabata sumamente bunita unda cu pueblo henter a sali y celebra nos dia nacional.

Minister di Cultura, Xiomara Maduro, a expresa su admiracion pa e trabou cu Scout Aruba ta haciendo, mencionando, 'E grupo Scout Aruba, bou liderazgo di Sr. Mariano Thiel, ta ehempel di e balornan di lid-

erazgo, servicio y comunidad cu ta fundamental pa nos identidad Arubano. Entregando nan e bandera oficial pa e Acto Protocolar ta un muestra di nan compromiso pa cu e principionan aki.'

E Manifestacion Cultural mes tabata un celebracion unico cu a duna un toke na e Dia di Himno y Bandera, unda cu tabata tin diferente presentacion di nos talentonan local cu a celebra cultura, historia, y arte di nos Pais. E anochi aki a sirbi como un momento pa reflexiona riba nos simbolonan nacional y e unidad cu nan ta representa.

E eventonan di e aña aki no solamente a conmemora nos simbolonan nacional pero tambe a reforsa e identidad colectivo y balornan cu ta haci nos Pais unico. Minister di Cultura kier a extende su mas sincero gratitud na Sr. Mariano Thiel y Scout Aruba pa nan rol den e Manifestacion Cultural, Acto Protocolar y nan esfuersonan continuo den formacion di e lidernan di mañan.



Aruuba, Orguuyo di nos tur.



*Himno y
Bandera*

DISCURSO DI MINISTER XIOMARA MADURO DI CULTURA NA OCASION DI E MANIFESTACION CULTURAL PA CELEBRA DIA DI HIMNO Y BANDERA 2024

Eaña aki nos ta celebra cu 48 aña pasa cu e bandera di Aruba a bay laira pa prome bes bou di tononan di nos Himno 'Aruba, dushi tera' durante un manifestacion den stadion Wilhelmina.

Aruba

Permiti mi scohe algun di e momentonan crucial cu nos pais a conocí den pasado na unda Pais Aruba a demostra esaki.

Na aña 1986 nos Libertador Betico Croes a sa di uni nos pueblo pa logra Aruba su Status Aparte y duna nos e herment necesario pa desaroya como pueblo y Pais.

Na aña 1985 cu e refineria Lago cu tabata e pilar di nos economia a dal cera su portanan, Aruba a uni un bes mas y transforma e pilar di economia di nos Pais, pa turismo.

Un otro prueba ta na aña 2020 na momento cu COVID19 a bati na nos porta y Aruba a resulta e prome Pais den region Caribe cu mas a wordo afecta pa e pandemia. Awe despues di cuater aña, Aruba ta figura como un di e prome paisnan cu ta recuperando satisfactoriamente economicamente y financieramente.

Esaki a wordo demostra tambe ultimamente den rapportnan di evaluacion di organisacionnan importante internacionalmente manera IMF, CFATF y tambe companianan di rating internacional, durante cual Aruba a ricibi evaluacionnan hopi positivo riba nos economia, finansa y tambe integridad financiero. Cu e resultadonan aki Aruba ta haya mas credibilidad pa inversionistanan inverti den nos pais. Tur esakinan ta motibonan cu ta haci nos orguyoso di nos Pais Aruba.

Aruba riba tarima internacional

Nos isla por ta chikito riba mapa mundial, pero rico na talentonan local. Hopi yiunan di tera a laga Aruba bira conocí den ramo di entre otro di beyesa, deporte, ciencia y arte. Nos curason ta yena cu orguyo ora nos mira nos bandera di Aruba y tende Aruba su nomber resona riba tarimanan internacional.

Nos hendenan

Mi por menciona hopi mas motibo pa nos sinti nos orguyoso di nos Pais Aruba, manera nos herencia cultural, nos tradicionnan, nos monumentonan, nos playanan, nos naturalesa, nos carnaval, nos estabilidad político y nos seguridad. Pero nos tin algo unico cu ta haci nos Pais special, cu ta NOS HENDENAN.

Nos hendenan ta e recurso mas importante di Pais aki.

Nos hendenan cu apesar di nos diferencianan, sa di uni ora nos Pais mas mester di esaki, paso



nos stima e pida baranca aki y ta pone tur diferencia un banda na bienestar di nos Pais.

Arubianonan of esnan cu a scohe pa haci Aruba nan hogar, ta biba den union cu otro, trahando duro pa progreso di nos Pais, ta e tesoronan di Pais Aruba.

Nos hendenan cu ta trata e turistanan cu cordialidad y amabilidad. Manera e letranan di nos Himno ta bisa: Grandesa di nos pueblo ta su gran cordialidad.

Nos hendenan ta un di e balornan importante di Aruba, cu ta haci nos orguyoso di nos patria stima.

Bishita na scolnan

Den cuadro di preparacion pa e celebracion di nos dia nacional, durante henter e siman nos a bishita diferente scolnan preparatorio, basico y secundario rond di nos isla y tambe nos a presencia varios actividadnan cultural cu e muchanan y hobennan a organisa. Un danki na tur juffrouw, meneernan y docentenan cu ta yuda sembra e amor pa nos cultura den nos futuro generacion. Un otro motibo pa sinti nos orguyoso di Aruba.

Danki

Awe nochi ta un anochi pa celebra Aruba, orguyo di nos tur! Pa esaki mi kier a gradici Comision Celebracion Dianan Nacional y Departamento di Cultura pa organisa e Manifestacion Cultural aki cu presentacion di diferente artistanan, talentonan local cu ta demostra nan amor pa nos patria y cultura y tambe un show cu lo bay haci

un recorrido riba tur locual ta pone nos sinti cu Aruba ta orguyo di nos tur. Un danki tambe ta bay na tur patrocinador cu a contribui cu e evento cultural aki. Un danki special na tur esnan cu awe nochi a bin pa duna aporte na nos Manifestacion Cultural pa enrikese nos cultura cu benta di cuminda, cos dushi, cos di bebe y tambe artesanía. Masha Danki pa engradece nos evento cultural. Y sigur un danki pa nos publico cu presente y esnan cu ta sigui nos atraves di nos planta nacional.

Invitacion

Mas cu claro un invitacion pa asisti mayan 18 di maart, nos día nacional, Dia di Himno y Bandera pa 9'or di mainta, durante cual e Acto Protocolar lo tuma lugar na unda nos lo brinda honor y respet na nos Himno y Bandera.

Bin presencia un bunita programa cu entre otro, presentacionnan di diferente ganado di e 'Festival Un Canto pa Aruba su Himno y Bandera', un aubade presenta door di nos muchanan di diferente scol, un bunita desfile di gruponan uniforme y tambe admira un otro show Aruba, Orguyo di nos tur' cu lo enfoca riba tur locual ta haci Aruba atractivo pa e turistanan.

E aña aki nos a registra un rekord di eventonan en conexion cu celebracion di Dia Himno y Bandera. Laga nos alsa nos bandera, pone nos banderín na auto, bisti nos t-shirt, canta nos 'Himno Aruba, dushi tera' cu hopi orguyo y den union di famia y amistadnan, bishita e eventonan. Mi ta extende un invitacion special na nos bishitante nan di afo, pa haci un recorrido rond di nos isla y bishita e eventonan y experiencia asina un tiki di nos cultura.

Corda semper cu Cultura, bo tin cu bib'e y cu bo participacion nos ta sigui engrandec'e.

Nos ta hendenan dushi, orguyoso di ta yiu di e baranca aki, cu no tin nada pa kibr'e y tampoco pa igual'e.

Publico presente, ban hisa nos banderín, compaña mi y ban bisa hunto:

**"Biba Aruba!"
"Biba Aruba!"
"Biba Aruba!"**

Pabien Aruba, un abraso fuerte.

Pasa un Dushi y Feliz Dia di Himno y Bandera y cu Dios sigui drama su bendicion riba nos Pais.

Ban sigui disfruta di nos anochi cultural.



DISCURSO PROME MINISTER

Discurso di Prome Minister Evelyn Wever-Croes Dia di Himno y Bandera

“UN PAIS SIN SU BANDERA Y SIN SU HIMNO TA UN PAIS SIN DESTINO”

A ruba, ya for di comienso di maart, por a sinti e emocion rond pa cu celebracion nos dia nacional, nos Dia di Himno y Bandera. 18 di maart, Aruba henter ta conmemora cu 48 aña pasa Aruba a haya su propio himno y su bandera, y cu despues Aruba a bira un pais autonomo den Reino Hulandes. Manera un costumber, e mainta aki, na Plaza Libertador Gilberto Francios ‘Betico’ Croes a tuma luga e acto protocolar na unda cu por a disfruta di diferente discurso y atraccionnan. Prome Minister Evelyn Wever-Croes a duna un bunita

discurso na unda cu el a enfatisa cu “Un pais sin su bandera y sin su himno ta un pais sin destino”.

Presente na e ocasion tawata SE Gobernador di Aruba, Señor Alfonso Boekhoudt, Presidentenan di Parlamento di Aruba y di Corsou. Miembronan di Parlamento di Aruba y di Corsou y consehalnan di Boneiro. Ministernan di Aruba y Corsou. Cuerpo Consular. Clero y demas invitadonan.

“Awe nos ta recorda cu 48 aña pasa, pa prome biaha, nos bandera a wordo hisa den stadion

Guillermo Prospero Trinidad, e tempo ey conoci como Wilhelmina stadion. Y mesora despues nos himno a wordo toca pa prome biaha.

HISTORIA

Y si nos bay un tiki den historia, 48 aña pasa, na aña 1976, Gobierno Insular di Aruba a tuma e decision cu 18 di maart ta bira nos Dia Nacional, esta nos Dia di Himno y Bandera. Pasobra Betico Croes (dfm), den cuadro di su vision pa concretisa e deseo di nos pueblo, a mira den introduccion di himno y bandera, simbolonan

determinante pa logra trece union den e pueblo Arubano. Un union cu a wordo fortifica mediante e pensamiento cu tur esnan cu a nace aki y otronan cu a bin Aruba y haci e isla aki nan hogar y cu ta stima e isla aki, ta Arubiano. Y pasobra Un pais sin su bandera y sin su himno ta un pais sin destino.

Den e cuadro aki un Comision di Himno a ser institui na januari 1976. Nan tarea tabata pa conseha gobierno si mester haci e cancion popular 'Aruba Dushi Tera' himno nacional di Aruba. E cancion aki, di Padu Lampe cu composicion di Rufo Wever, tabata hopi popular caba na Aruba desde añanan 50. E comision mester a conseha gobierno tambe ki sorto di ritmo – sea marcha of wals – tin cu wordo uza. E comision den forma unanime a vota na favor di interpretacion di e himno den e bunita ritmo di wals.

Tambe a keda dicidi cu lo añadi un di tres couplet, di Hubert "Lio" Booi. E di tres couplet lo mester a expresa e deseo ferviente di nos pueblo e tempo ey, e ta bisa: Grandesa di bo pueblo ta su gran cordialidad. Cu Dios por guia y conserva su amor pa libertad.

Riba e mesun fecha di 21 di januari 1976 Gobierno Insular di Aruba a institui tambe un Comision di Bandera cu e tarea pa organisa un concurso den pueblo pa un diseño di un bandera di Aruba. A drentra no menos cu 693 proposicion. Di esaki e comision a propone na Eilandsraad, nos bandera: Blauw – pa e color di lama, y di cielo. Dos strepi geel - oro, aloe, industria y turismo. Ariba un strea cora di 4 punta – cora pa e sanger di indian y e 4 puntanan pa e 4 idiomanan cu nos ta papia. Y rand blanco rond di e strea – pa nos playanan bunita.

Riba dia 16 di maart 1976 Eilandsraad a aproba 'Aruba Dushi Tera' como himno oficial di Aruba, y a aproba e diseño di e bandera oficial di Aruba. Y dos dia despues, esta 18 di maart 1976, e acto oficial a tuma luga, caminda a proclama oficialmente nos Himno y Bandera y esaki den presencia di miles di nos ciudadanonan.

Ami tabata un di e ciudadanonan ey, e tempo ey mi tabata un mucha di 9 año. Mira nos bandera wordo hisa pa prome biaha, y scucha e himno pa prome biaha como himno, a haci un impresion grandi riba mi, un impresion cu ta keda cu mi cada biaha cu mi mira nos bandera wordo hisa, y scucha e himno wordo toca y canta.

BISHITA NA SCOLNAN

Pero e ta un experiencia aun mas emocionante,

ora mi mira nos muchanan experiencia e mesun sensacion. Ya desde cuminsamento di e luna aki nos tur por a sinti caba e vibracion pa loke ta e celebracion di nos Dia Nacional. E festivalnan di canto y poesia cu composicionnan y interpretacionnan sumamente bunita reflehando e amor pa nos pais; e ferianan cultural rond di henter nos isla; e marcha cultural di St Paulus School den cayanan di San Nicolas siman pasa diabierna; e manifestacion cultural ayera nochi aki na Plaza Betico Croes cu un explosion di creatividad, innovacion y amor pa nos patria. Den nomber di Gobierno di Aruba mi ta gradici tur esnan cu a haCi tur e eventonan aki asina exitoso.

E año aki, cu colega ministernan y parlamentarianan nos a bishita mas di 20 scol y nos por a mira y experiencia con nan ta prepara pa e celebracion di nos dia di Himno y Bandera. Na forma sumamente bunita nos muchanan ta siña

no tabata sa cu 10 año despues nos lo tin nos Status Aparte. Libertad ta un palabra significante pa tur pais na mundo cu den nan historia a biba y hiba un lucha a base di sanger, sodo y lagrima pa por a logra e ideal aki. Tin paisnan cu na e momentonan aki ta luchando pa conserva nan libertad.

REFLEXION RIBA RESILIENCIA DI NOS PUEBLO

Aruba tambe a hiba su bataya pa libertad, y esaki a ser realiza danki na e union di e pueblo Arubano. Un union caminda no ta reina division basa riba rasa, genero, color politico, districto, status economico etc. Nos a prueba cu un pueblo uni hamas por ser hundi. Y nos a demostra esaki varios biaha den historia di nos pais, desde nos Status Aparte 38 año pasa.

Ultimo tabata e pandemia mundial Covid-19, cu tabata tin un impacto devastador pa Aruba, tipifica pa hopi perdida, perdida di bida, perdida di entrada, perdida di negoshi. Sinembargo un biaha mas, nos a uni como un solo pueblo, y lucha pa saca nos pais padilanti. Y danki na e esfuerzo conhunto di tur ciudadano di nos pais, awe Aruba ta muestra un recuperacion impresionante, cu crecimiento economico stabil danki na crecimiento di nos turismo, cu finansas publico responsable y sostenible, cu pa di dos año ta muestra surplusnan financiero, cu desempleo mas abou den ultimo 20 añanan.

Nos no ta ainda caminda cu nos mester ta, pero nos ta riba e bon caminda, y e tempo nos dilanti lo enfoca riba traduci e progreso aki den


bienestar den cada hogar; nos lo concentra riba diversifica nos economia y nos lo enfoca riba e reformanan pa haci Aruba un pais mas fuerte y mas resiliente.

CONCLUSION

Awe riba nos Dia Nacional, ban reconfirma nos compromiso pa sigui traha, den union, pa realiza e obhetivo y causanan noble pa nos dushi Aruba.

Mi ta gradici Comision Celebracion Dianan Nacional y colega Minister di Cultura Xiomara Maduro, pa organisa e evento cultural di ayera nochi y e acto protocol di awe mainta, y tur esnan cu a y ta haci e celebracionnan aki un exito.

Pueblo Arubano, ban celebra awe den grandi nos Dia Nacional. Hisa bo bandera cu orguyo, pasobra awe nos ta un pais autonomo den Reino Hulandes cu nos propio simbolonan di union y libertad. Pabien pueblo di Aruba cu nos gran dia! Cu Dios Todopoderoso sigui bendiciona nos pais Aruba".



tocante nos himno, nos bandera, nos historia, nos cultura, y na forma hopi creativo nan mes ta participa activamente na esaki. Un biaha mas mi ta gradici nos maestronan, mayornan y alumnonan pa esaki.

Y mi por a mira pa mi mes, ki impresion hisamento di nos bandera y cantamento di nos himno tin riba nos muchanan na e scolnan cu mi a bishita, y mi por segura boso cu e impresion ey lo keda cu nan pa semper, unda cu nan bay den mundo, e amor pa Aruba lo tey.

Y ta hopi importante pa incluca den curason di nos muchanan desde jong, e amor pa nos dushi Aruba, pasobra e ora nos sa cu ora yega nan turno, nan lo cuida y stima e pida baranca aki, mes of mas hopi cu nos ta stim'e.

REFLEXION RIBA LIBERTAD

Nos himno y nos bandera ta simbolonan di nos libertad. Y esaki tabata un deseo ferviente di nos pueblo na año 1976, ora ainda e pueblo di Aruba

ACTO PROTOCOLAR



*Himno y
Bandera*

ARUBA A PRESENCIA UN BUNITA ACTO PROTOCOLAR DIA DI HIMNO Y BANDERA

Coro di Muchanan di Scol Basico di San Nicolas a luci y Gruponan uniforma a marcha cu yen di orguyo

Dia di Himno y Bandera, 18 di maart a tuma luga e ceremonia di Acto Protocolar dilanti Plaza Libertador G.F. Betico Croes. Un mainta caminda a duna honor y respet na nos simbolonan nacional, nos Himno y Bandera.

Despues cu invitadonan a yega y a wordo asigna nan asiento, e maestro di ceremonia Jenni-ree Dirkz a anuncia yegada di Griffier Suplente di Parlamento, Secretario di Consejo di Minister, Mandatarionan, Presidente di Parlamento di Aruba y demas dignatarionan di exterior, Corsou y Bonaire. Su Excelencia Gobernador di Aruba Sr. Juan Alfonso Boekhoudt y su distinguido esposa, a wordo ricibi pa Minister di Finansa y Cultura Sra. Xiomara Maduro, anfitriona di e evento hunto cu e comision di recepcion forma pa miembronan di Comision Celebracion Dianan Nacional.

Despues cu Su Excelencia Gobernador di Aruba a duna permiso, e ceremonia oficial a inicia cu entrada di bandera di Aruba door di Scouting Aruba y Arubaanse Padvindere Gilde, sigui pa presentacion di nos himno di Aruba "Aruba Dushi Tera" interpreta pa coro di muchanan di Scol basico di San Nicolas: St. Paulus School, Colegio Hilario Angela, Graf van Zinzendorf School, Filomena College, Colegio Santa Theresita, Scol Basico Xander Bogaerts y St. Michael School, cual coro a wordo dirigi pa meneer Eltienne Yarzagaray y acompaña musicalmente pa e agrupacion musical Unites Melodies. Reverendo Gilbert Kelly, a efectua un bunita oracion pa nos pais Aruba riba nos Dia Nacional. Despues a continua cu un bunita discurso di su excelencia Prome Minister di pais Aruba, sra. mr. Evelyn Christina Wever-Croes na unda cu el a enfatisa cu "Un pais sin su bandera y sin su himno ta un pais sin destino".

Durante e programa tabata tin presentacion di ganado absoluto categoria Infantil 4-6 aña di Festival "Un Canto pa Aruba su Himno y Bandera" infantil, e hobencita Mirlaine Vis cu su cancion titula 'Den mi truck'. E cancion titula "Celebracion" a ser interpreta pa muchanan: Luz Gonzalez, Quintin Hasham y Eham York y a wordo acompaña pa coro di e muchanan di scolnan basico di San Nicolas bou direccion di meneer Eltienne Yarzagaray y acompaña musicalmente pa e agrupacion musical United Melodies. E ganado absoluto categoria Infantil 7 - 9 aña di Festival "Un Canto pa Aruba su Himno y Bandera", Hailey Koolman a interpreta su cancion 'Arikok'. E coro



di muchanan di scol tambe a canta e cancion "Hisa Bandera".

E ganado absoluto di Festival Infantil "Un Canto pa Aruba su Himno y Bandera" categoria 10-12 aña, Kitai de Jongh a interpreta su cancion "Sabi mane' Don Shoco". Otro cancion cu a wordo presenta e mainta ki ta "Ban hisa nos bandera" y a ser interpreta pa Gianna Concepcion, Zaylee van den Berg, Quintin Hasham, Thaheeli Geerman, Jizienne Martines y acompaña pa e coro di e muchanan di scolnan basico di San Nicolas. Ganado di Poeta di Patria 2024, Jhon Freddy Montoya a declama su poesia "Ki Bal".

A sigui cu presentacion di e coro di muchanan di scol basico di San Nicolas cu a presenta e cancion titula "Aruba Stim'e", cu a wordo acompaña pa United Melodies y dirigi pa Meneer Eltine Yarzagaray.

Un momento culminante ta ora cu a presenta e show "Aruba, Orguyo di Nos Tur, un combinacion di canto, baile y mensahe. E presentacion a trece dilanti "Kico ta haci Aruba asina special den wowo di un turista?". Un show crea y compila pa Edselyn Figaroa, canta pa e hoben Jetzenia Martines, acompaña pa e grupo di baile 'Dazzling dancers' bou direccion di Jeanique de Palm.

Na final nos himno di Aruba a wordo interpreta un bes mas pa coro di muchanan di Scol basico

di San Nicolas: St. Paulus School, Colegio Hilario Angela, Graf van Zinzendorf School, Filomena College, Colegio Santa Theresita, Scol Basico Xander Bogaerts y St. Michael School, cual coro a wordo dirigi pa meneer Eltienne Yarzagaray y acompaña musicalmente pa e agrupacion musical Unites Melodies. Despues a continua cu e desfile di gruponan uniforma gubernamental, scout, deporte y cultural. E desfile a wordo clausura cu un show di baile acompaña pa un show di Quality Brassband bao direccion di Sr. Gilbert Franken y presentacion di diferente trahenan di carnaval.

Un danki ta bay na Gobernador di Aruba y su distinguido esposa, mandatario-, miembronan di parlamento local y di exterior, representantenan di Cuerpo Consular, hefe di departamentonan y demas invitado pa nan presencia durante e ceremonia di acto protocolar. Danki special tambe na tur cu a forma parti di e desfile nos gruponan gubernamental uniforma, scouting, apg, gruponan deportivo y cultural. Un pabien y danki tambe na e publico cu a haci acto di presencia na e ceremonia. Palabra di danki ta bay na tur invitadonan di exterior, Corsou y Bonaire pa honra nos cu nan presencia y celebra hunto cu nos, nos Dia di Himno y Bandera.

Por ultimo un pabien y danki na Comision Celebracion Dianan Nacional pa un bunita mainta protocolar na honor di nos Dia Nacional, Dia di Himno y Bandera.

Acto Por




rtocolar



Acto Po



Protocolar



COMISION CELEBRACION DIANAN NACIONAL

President
Lyonel Dirksz

Vice-President
Junior Arends

Tesorero
Jeanine Tujeehut

Asistente Tesorero
Viveca Rincones-Solognier

Secretaria
Shannon Henriquez

Comunicacion y Mercadeo
Xavier Maduro
Gladys Henricus

Protocol y Administrativo
Marlon Rasmijn
Afranina Henriquez

**Representante di
Minister di Finansa y Cultura**
Ghislaine Winterdaal

Miembro
Kenneth Luidens
Esmara Martis

Erelid
Jhon Franklin Flemming
Maybeline Arends-Croes

Himno y Bandera

Aruba, Orguyo di nos tur

Calendario di evento 15 - 18 maart 2024

15
maart

17
maart

18
maart

GRUPO	ORARIO	LUGA	EVENTO
Colegio Nigel Matthew	6.00 PM-11.00 PM	Colegio Nigel Matthew	Feria Cultural
Colegio Sagrado Curazon	5.00 PM-9.00 PM	Colegio Sagrado Curazon	Festival Di Himno Y Bandera
St. Paulus School	4.30 PM	Riba Caya Di San Nicolas	Marcha Cultural
Gobierno di Aruba - CCDN	6.00 PM-11.00 PM	Plaza Libertador Betico Croes	Manifestacion Cultural
Dog Hotel Aruba	8.15 AM	Fisherman's Hut	Dog Beachwalk
Beer World Aruba	10.00 AM	Plaza Nkki Habibe	Car Show/ Musica
Vereniging Papaya Ranch	10.00 AM	Papaya Ranch	Bolas Criollas
Gobierno di Aruba - CCDN	9.00 AM-12.00 PM	Plaza Libertador Betico Croes	Acto Protocolar
Vereniging Papaya Ranch	10.00 AM	Papaya Ranch	Bolas Criollas
Fundacion Car-Ritmo	10.00 AM-6.00 PM	Centro Di Bario Piedra Plat	Weganan Popular/ Benta Di Cuminda
Don Flip Racing	2.00 PM-10.00 PM	Plaza Deto Varis	Weganan Popular
Gucci Dancers	1.00 PM-9.00 PM	Centro Di Bario Lago Height	Show Musical/ Benta Di Cuminda
Sv Britania	10.00 AM-6.00 PM	Parkinglot Veld Di Britania	Weganan Popular
Universidad Di Aruba	9.00 AM-1.00 PM	Universidad Di Aruba	Artesania Y Cultura
Harambe Foundation	6.00 PM-11.00 PM	Kulture Café	Feria Cultural
Centro Di Bario Noord	12.00 PM-6.00 PM	Centro Di Bario Noord	Fiesta Arubiano
Stichting Rancho	9.00 AM-1.00 PM	Governor's Beach	Careda Boto Miniatura
Biblioteca Nacional	9.00 AM-3.00 PM	Biblioteca Nacional Oranjestad	Wega Popular, Benta Di Cuminda
Centro Di Bario Savaneta	12.00 PM-6.00 PM	Centro Di Bario Savaneta	Mini Bazaar/ Weganan Popular/Benta Di Cuminda
Fundacion Betico Croes	10.00 AM-6.00 PM	Plaza Status Aparte	Benta Di Cuminda, Baile Y Musica
Cas Di Cultura	10.00 AM-3.00 PM	Cas Di Cultura	Dia Di Famia
Centro Di Bario Playa Pabao	12.00 PM-6.00 PM	Centro Di Bario Playa Pabao	Dia Di Famia
Fundacion Kapel Di Bethania	9.00 AM-2.00 PM	Kapel Di Bethania Noord	Benta Di Cuminda Y Exposicion
Museo Arqueologico	10.0 AM-3.00 PM	Museo Arqueologico	Dia Di Famia
Iglesia Avivamiento Aruba	9.00 AM-4.00 PM	Pos Chikito 11-B	Dia Di Famia
Unoca	11.00 AM-2.00 PM	Stadionweg 21	Exposicion
Archivo Nacional Aruba	10.00 AM-6.00 PM	Archivo Nacional Aruba	Exposicion Flashback Fiesta
Local Store	4.30 PM-7.30 PM	Local Store, Noord	Dino Jump, Robert Thiel Cu Su Banda
Mi Dushi Casibari	11.00 AM-4.00 PM	Mi Dushi Casibari	Cuminda Crioyo/ Musica
Aruba Aloe	9.00 AM-5.00 PM	Aruba Aloe Hato	Explora Fabrica, Musica, Baile
Museum Of Industry	10.00 AM-2.00 PM	Museum Industry San Nicolas	Exposicion
Fort Zoutman	10.00 AM-2.00 PM	Fort Zoutman	Artesania Local, Cuminda, Rincon Boys y hopi mas
Teresita Center	8.00 AM-4.00 PM	Teresita Center San Nicolas	Benta Di Cuminda Crioyo
Cas Tantin	10.00 AM-3.00 PM	Museum Cas Tan Tin	Cuminda Crioyo/ Musica
Fundacion Chico Harms	10.00 AM-8.00 PM	Centro Di Bario Brazil	Wega Popular/Benta Di Cuminda/ Musica



Minister di Finansa y Cultura



Comision Celebracion Distanan Nacional



UNOCA



Departamento di Cultura Aruba



SETAR ELMAR



WEB



Aruba Tourism Authority



Utilities Aruba



AUA



Competencia Escolar di: Fotografia



Mi Aruba stima, ki Orguyoso mi ta di tin bo como mi hogar.

Cu orguyo mi ta comparti mi cas cu hopi bishitante. Cu kier bin admira bo Beyesa sin igual. Nos beachnan precioso y nos hendenan caluroso ta haci cu Aruba ta keda e Isla mas gusta y bishita. Na mi Isla e subida y bahada di solo ta algo fenomenal.

Mi Aruba stima mi ta Orguyoso di bisa Arubiano mi ta.

**Canado
Scol Basico**

Participante: Hayzey Arends
Colegio Conrado Coronel
Klas: 4B



Mi ta sintimi Orguyoso di e bunitesa di nos lama color blaww scur bunita, cu ta rondona nos isla. Danki na e lama bunita aki nos tin hopi turista cu ta bin di afo pa disfruta di nos dushi isla.

**Canado Scol
Preparatorio**

Participante: Emmanuel Garcia
Scol Preparatorio Cayena

Competencia Escolar di Baile:

SCOL GANADO



Competencia Escolar di Baile en con-
exion cu Himno y Bandera "Aruba,
Orguyo di nos tur"

Minister di Cultura conhuntamente cu Comi-
sion Celebracion Dianan Nacional a presen-
ta e competencia di baile di e Jingle, "Aruba,
Orguyo di nos tur", na unda cu scolnan mester
a crea un baile riba e jingle aki, cu a ser com-
poni y aregla pa e Hoben talentoso Rygel Is-
abella y canta pa e hoben Jetzenia Martines,
e competencia aki a keda den Scol di Prinses
Amalia Basischool - Klas 4B



Video: Baile di Scol Ganado



CULTURA BO TIN CU BIB'E



*Himno y
Bandera*



Himno y Bandera

Aruba, Orguyo di nos tur.

Baranca fuerte, suela bendiciona.

Bo tesoro di mas grandi,
ta e hende cu nos ta.

Semper amabel, capabel y
cla pa hunto lora manga
y defende bo cu nos alma.

Oh Aruba, pa semper
nos cuna venera.

Nos ta orguyoso di tur
oportunidad pa bisa:
ta di Aruba mi ta!



Minister di Finansa y Cultura

Xiomara Maduro

Minister di Finansa y Cultura

@MinisterXiomaraMaduro

